



UNIVERSITÄTS-  
BIBLIOTHEK  
PADERBORN

# Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

XLVII. Cùm omnes ederent ex cibis gentilium, iste custodivit animam suam, & nunquam contaminatus est in escis eorum. Tob. c. 1. v. 12.

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)

## De Conceptâ Sacrâ Deiparâ.

## CONCEPTUS XLVII.

§. I. *Scriptura.*

323.

ESCÂ VETITÂ haVD Con-  
taminata.

Tob. c. I. v. 12. *Cum omnes ederent ex cibis gentilium, iste custodivit animam suam, & nunquam contaminatus est, in escis eorum.*

**Q**uanta frequenter mala, tum corporalia, tum spiritualia, vel ex unicâ escâ, inconsideratè degustatâ, procedere soleant, sufficiens, damno suo, testimonium præbere potest infelix Esau, natu quidem ex binis fratribus major, sed in benedictione paternâ obtinendâ, præter morem, posterior, utpote, qui pro modico vilis lenticulæ edulio, inconsiderato prorsus pacto, sua dividendit primogenita, damnum exinde perpeffus, ut grave nimis, ita nullo pacto ulterius resarciendum. Simile ex unicâ esca præjudicium & Jonathas est expertus, qui ignorans adjurationem à Saule Patre suo omni populo factam, his verbis: *Maledictus vir, qui comederit panem, usque ad vesperam*, abstinente reliquo populo universo, gustans modicam tantum mellis particulam, præsentissimum sibi comedit internecionis periculum, ut ipse ait: *Gustans gustavi in summitate virgæ, quæ erat in manu meâ paululum mellis, & ecce ego morior.* Minimè hoc ignorabat singularis ille pietatis Magister, Tobias senior; hinc inter alia præclare, ac laudabiliter ab ipso gesta, quibus integer de eo libellus abundat, illud præreliquis, in ipso statim primi capitis decursu commendatur, quod *cum omnes ederent ex cibis gentilium, ipse custodivit animam suam, & nunquam contaminatus est in escis eorum.*

Gen. c. 25.  
v. 33.I. Reg.  
14. v. 24.

v. 43.

Liceat modò hanc ipsam Tobie laudem in Beatissimam DEI Genitricem transfundere. Enimverò, cum omnis Adami posteritas, edentibus, ac cibo vetito sese contaminantibus primis parentibus, ederet simul & ipsa, ac parè modo contaminaretur (voluntatibus scilicet singulorum in unam Adami voluntatem ultrò transcriptis) ista, Virgo gloriosissima, ex omnibus una, *custodivit animam suam, & nunquam*, nè per unicum quidem temporis punctulum, *contaminata est in escis eorum.* Hinc, quamvis in omnes reliquos justissima Numinis indignatio defaverit, ut dici posset illud Regij Prophetæ: *Adhuc escæ eorum erant in ore ipsorum, & ira DEI, ascendit super eos;* ac verificatum fuerit omninò illud: *Væ tibi terra, cujus principes manè comedunt,* Marianam tamen innocentiam talis ira, tale væ, minimè comprehendit: Unde etiam mirum nemini videatur illud, quod Theophanes Nicænus studiosè observat, dicens: *Non corpus illud tuum immaculatum, ac labis omnîs expers, in terrâ relictum est,* purissimum scilicet, ac prorsus immaculatum hujus Virginis corpus, post mortem, gloriosè in Cælos assumptum, nunquam evasisse escam vermium, eo ipso, quòd de escâ, à verme, seu potiùs serpente infernalè oblatâ, gustare constantissimè recusavit, adeòque vermîs conscientiæ, ob peccatum qualecunque commissum remordentis, in perpetuum expers permansit. Mirari meritò quis posset, quòd in varijs occasionibus, Christus de inferno loquens, præsertim apud S. Matthæum, pluribus in captibus, tormenta illius innumera, tantummodò ad fletum, & stridorem dentium restringat: *Ibi erit fletus, & stridor dentium.*

Psal. 77.  
v. 31.Eccle. c.  
10. v. 16.Orat. r.  
de Dormit. M.c. 8. 13.  
22. 24.

Mirarer & ego, nisi adverterem, duo quoque peccata præ reliquis in mundo triumphare, imò ab ipso jam mundi exordio triumphasse, illud scilicet, quod suam trahit originem ab oculis malè custoditis, cui *fletus*, & inconsolabilis planctus correspondet, & aliud ad gulam pertinens, quod cum habeat relationem ad dentes, ideòque ibi erit *stridor dentium*, juxta commune adagium: *Per quæ quis peccat, per hæc & torquetur.* Utrumque in Protoparentum peccaminosâ transgressione experti sumus; Vidit namque (ut ait Sacer textus) *vidit mulier, quod bonum esset lignum ad vescendum, & pulchrum oculis, aspectuque delectabile, & tulit de fructu illius, & comedit.* Hic bene consideranda verba illa: *vidit, & comedit. vidit*: En effectum oculorum malè custoditorum! *comedit*: En gulæ desideria, per escæ vetitæ degustationem adimpleta. Hinc omnium contaminatio, mors in ollâ, fletûs stridorisque dentium ipsissima origo. Sola tamen hîc excipitur MARIA, quæ escâ hac vetitâ nunquam contaminata, *primogenita ante omnem creaturam*, nunquam hanc prærogativam, cum Esau, pro cibo permutavit, nunquam cum Jonathâ mortiferum favum mellis gustavit, sed potius cum Tobia *nunquam contaminata est in escis eorum.* Quæ cum ita sint, indemnitati Tuæ, Virgo Beatissima! unanimiter gratulamur, fatemurque, omnes nos Jonathas esse, qui mellis gustu mortem nobis accersiverimus: consolamur tamen, scientes, quod Filius tuus escæ huic mortiferæ mel aliud vitale oppositurus, velut alius Samson, non quidem è demortui leonis faucibus, sed è lumbis ferocis illius & in DEUM impetuosi Adami Te eduxit, Genitricem suam verè melleam, recuperandis peccatoribus totam dulcem, escâ vetitâ contaminatis, ac peccatorum infirmitate pressis, totam sanativam. Per amorem ergo immaculatæ tuæ Conceptionis, contaminatos emacula, infirmos resana, ac ad escam degustandam præpara, æternæ Beatitatis.

Gen. c. 3.  
v. 6.

§. 2. *Authoritas.*

Sancti Gregorii Nazianzeni, 324.  
De Virgine Carmen.

*Hoc propter, ecce texo nunc tibi memor  
Gratumq; carmen, ô puella, gratiâ  
Æquanda nullis, Mater & Virgo, supra  
Omnes decora Virgines, & maxima,  
Quæ vincis omnes Cælitum Ordines!* In Tragediâ.

§. 3. *Ratio.*

Deipara, pro præmio sVo, 325.  
pVrè ConCepta.

Quando Juvenis aliquis studiosus ex plurimis suis Condiscipulis dignus habetur, ut publicè proclametur: *Accedat!* sicque pro meritis præmium accipiat, prudenter, ac optimè omnes præsumunt, composuisse eum argumentum suum, sine omnî errore: atqui Beat.ª Virgo etiam, præ omnibus alijs, digna est habita, ut ab omnibus tribus Personis Divinis proclamata *Accedat*, utque primum accipiat præmium, nempe Maternitatem DEI, quæ post Divinitatem, in excellentiâ, primum locum obtinet, ut verum sit illud:

*Nec primam similem visa est, nec habere sequentem.*

Ergo meritò, & prudenter præsumere possumus, MARIE argumentum fuisse compositum, sine omnî errore, hoc est animam rationalem sine omni peccato creatam, ac corpori Virgineo infusam fuisse.

§. 4. *Historia.*

Rappacioli à stranguriâ Integra Liberatio per Deiparam. 326.

DE Rappaciolo, Eminentissimo S.R.E. Cardinale legitur, adeò illum, Anno Millesimo, Sexcentesimo, Quinquagesimo septimo, graviter decubuisse, ut invalescente per centum, & septem horas continuas, stranguriâ, hærente nimirum urinæ beneficio, dolorosissimè afflicto, omnibusque jam Sacramentis ritè provisus, Purpuram proximè pallore mortis commutaturus videretur. Tot ergo remedijs in vanum adhibitjs, optimum confessarius ejus adinvenit consilium, confugiendo nimirum ad immaculatum Virginis Deiparæ

paræ Conceptionem: schedulæ ergo hæc pauca inscripsit verba: *In Conceptione tuâ Virgo immaculata fuisti: ora pro nobis Patrem, cujus Filium peperisti.* Hanc porrò schedam, tanquam saluberrimâ quandam medicinam, plenâ in Deiparam fiduciâ, purpurato Principi obtulit deglutendam. Et ecce! vix schedam Cardinalis sumpsit, cùm laxatis quantocyùs aquæductibus, septem sat ponderosi prodire calculi, quorum unus in hac ipsâ, quam Cõfessario porrigente introsumpserat, schedâ, non sine evidentî miraculo, cernebatur involutus. Ex quo factum, ut obtentâ paullò post integrâ sanitate, non nisi Virginem Genitricem, sine labe conceptam, liberatricem recognoverit, ac humillimas reddendo grates, singularî cultu, ad dies vitæ, profecutus fuerit, Hoc miraculum toti Romæ notissimum, refert Raynaudus *in pietate Lugdun. & alij.*

§. 5. *Symbolum.*

327.

EXterna MaLI speCies  
DoLosa.



Externa, ô quoties, Malorum forma dolosa est!  
Dum bona sæpe putas, sunt mala Mala tamen.  
Dum Mali externo malè credidit Eva colori,  
Non trahit ex Malo purâ MARIA malum.  
*Sub Arbore Malo suscitavite, ibi corrupta est  
Mater tua, ibi violata est Genitrix tua. Cant. c. 8. v. 5.*

§. 6. *Antiquitas.*

CaDente tVrrI, nobILIs herI  
Mira Liberatio.

Dies erat quâ in Civitate Mediolanensi, Anno 1117, complures Nobiles, in certâ domo, cui vicina Turris imminebat, convenerant, ut ibi de negotijs, commune Reipublicæ bonum concernentibus, invicem colloquendo tractarent, cùm ecce! illorum aliquis audit, nescio à quo, altum se, proprio nomine, vocari, ut quantocyùs extrâ portam domûs in plateam prodire vellet. Differt sic vocatus progredi: & en! vir quidam incognitus domum ipsam subintrat, atque, ut dicto Nobili secum paulisper progredi placeret, precibus rogitat humanissimis. Obsequitur tandem ille invitanti. Et quid? vix extra limen pedem posuerat, cùm corrudente, ingentî fragore, integrâ vicinâ Turri, tota illa domus, miserandum in modum obruta, omnesque ad unum Nobiles, qui illuc convenerant, ipso spectante, fuerunt conquassati. Tunc enimverò cognovit primùm ille, quàm singularî Divini Numinis providentiâ, solus ipse à tristî hoc infortunio, ac præsentissimo mortis periculo, reliquis ad unum pereuntibus, fuerit liberatus. *Rugierius de Hoveden, 1. part. Annal. ad Annum 1117. Menoch. Centur. 4. num. 84.*

Hic casus in memoriam haud obscurè revocat miseriozem longè Protoparentum casum. Conventus enimverò, ac domus Nobilium, universa videtur hominis, ad DEI Imaginem creati, progenies, quæ tamen, corruente superbâ Turri, Adamo scilicet, ob superbiam illam: *Eritis sicut Dij*, è summo felicitatis culmine, in miserimum statum dejecto, ex toto fuit subversa, ac per hoc ipsum peccatum, miserè destructa, unâ tamen priùs ex hoc consortio Divinitus evocatâ, ac  
à ru-

à ruinâ communî gratiosissimè præservatâ dignissimâ Numinis Genitricæ, quæ ab æterno specialiter sègregata, imminente se periculo jugiter subduxit, sicque sola evasit innocua, quia immaculatè concepta.

§. 7. *Anagramma.*


LVCtVM ADæ SIne Labe  
Ignoras.

329

*Lucum Adami ignoras: En pia Mater, Ave!*

Verfio litteralis

*Ave Maria, gratiâ plena, Dominus tecum.*



## De Conceptâ Sacrà Deiparâ. CONCEPTUS XLVIII.

§. I. *Scriptura.*330. Infernali HOloferni ab InItIo  
CapVt aDIMens.

Judith c. 14. v. 16. *Una Mulier hebræa fecit confusionem, in domo Regis Nabuchodonosor: Ecce enim Holofernes jacet in terrâ, & caput ejus non est in illo.*

**C**Um invicta Judith, formosissima illa, ac piissima pariter Heroïna, caput impium Holofernis, à Rege Nabuchodonosore, ad subijciendam sibi Bethuliam submissi, glorioso stratagemate detruncâset, ac liberatæ exinde Civitati optatissimum rei eventum ovans retulisset, hæc ait: *Vivit autem ipse Dominus, quoniam custodivit me Angelus ejus, & hinc euntem, & ibi commorantem, & inde huc revertentem, & non permisit me Dominus Ancillam suam coinquinari, sed sine pollutione peccati revocavit me vobis, gaudentem in victoriâ suâ.* Porro Ozias dixit ad eam: *Benedicta es tu Filia à Domino DEO excelsò, præ omnibus mulieribus super terram. Benedictus Dominus, &c. qui te direxit in vulnera capitis principis inimicorum nostrorum.* Interim autem innotescente Assyrijs funestâ Principis sui tragediâ, hæc eorum erat lamentatio: *Una Mulier hebræa fecit confusionem in domo Regis Nabuchodonosor: Ecce enim Holofernes jacet in terrâ, & caput non est in illo.* Be-

thuliâ interim totâ Judithæ acclamante: *Tu gloria Jerusalem, tu læticia Israël,* c. 15. v. 16. *tu honorificentia populi nostri, &c.* Nec immeritò; erat enim ex tunc Juditha præclarior universæ terræ: erat etiam virtuti castitas adjuncta, ita ut non cognosceret virum, omnibus diebus vitæ suæ, ex quo defunctus est Manassès vir ejus. Dies autem (ut verbis S. Scripturæ per omnia utar) *Dies autem Victoriæ hujus Festivitatibus, ab Hebræis in numero sanctorum dierum accipitur, & colitur à Judæis, ex illo tempore, usque in præsentem diem.* v. 3

Quid hic aliud in Judithâ, quàm gloriosissima illa Holofernis Tartarei Triumphatrix MARIA describitur? si enim adhibenda fides Alexandro Alensi, *Judith,* inquit ille, *Beatam Virginem tam factò, quàm interpretatione designat; interpretatur enim Conficiens, sive glorificans DEUM, &c.* & sanè, *vivit Dominus, quia custodivit MARIAM Angelus ejus, & hinc euntem, & ibi commorantem, & inde huc revertentem, id est, tam dum conciperetur, quàm cum in utero Annæ commoraretur, & exinde in lucem progredere; Nec enim permisit Dominus Ancillam suam ullâ peccati labe coinquinari, sed sine pollutione peccati, in victoriâ suâ gaudentem specialissimè præservavit.* Acclamare ergò cum Oziâ, vel potius cum Gabriele, Virgini Triumphatrici possumus: *Benedicta tu in mulieribus, imò,* &

c. 13. v. 20.

v. 24.